

mit Wahrheit sagen / dann die Gedancken waren als Bliße / darvor ich mich verwunderte / vnd war mir nicht anders / als ob jemandt mit mir redete vñ spreche: Schreib /schreib / doch hab ich niemals eyrige Stim gehört / In summa / ich solte vnd muste schreiben / ward mir eyngeden / meines Gleichen were jetzt in der Welt nicht / vnd solt mich für keinem König / Fürsten noch Herren schewen. Wie das von Königen vollendet / kam mir vor fürs erste die Fahnen mit den 2. Töpffen. Hierauff fiel mir eyn / ich solte 12. Fahnen machen / dz eine jede ein blutige Handt halten solte / zierlich außgebreytet / die auß einer gangen schwarzen dickē Wolcken herausser gienge / vnd in ein jede Fahn solte ich die Jahrzahl sehen / vnd wann ein Propheeyung käme / solte ich sie ordentlich nach der andern in die Fahnen sehen. Hie ligt mir im Sinne / daß Gott der gleichen ein blutige Hand mit etlichen Fahnen / zur grossen verwundung am Himmel wird erscheinen lassen.

Darnach fiel mir mehr eyn / die Propheey vom Hauf Burgund / von den Völkern in Sachsen / von einem zukommenden neuen Kayser / vnd von den 4. Winden.

Hie fiel mir mehr eyn / diß solte ein vnerhörtes Prognosticon seyn / vnd ein verwunderung aller höchsten Herren der Welt / vñnd darnach allen Menschen Kindern. Vnd diß solte ich Königen / Fürsten vñnd Herren offenbaren / vnd sonderlich Teutschlandt anzeigen / vnd so es die Gewaltigsten der Erden ja für Fantasey halten würden / solte ich mich nichts lassen anfechten.

Hierauff vngesefhrlich 3. Wochen nach allen diesen Dingen / fiel mir mehr eyn. Schreib du auch von dem neuen Stern: 8. Tag hernach fiel mir mehr eyn / lese nun den Propheten Ezechielem / dem lebet ich nach / vnd thät es / vnd wie ich auff das 38. vnd 39. Cap. kam / fiel mir eyn / ich solte von Gog vñnd Magog schreiben / vnd wann ich den Propheten las / schossen mir wunderliche Gedancken eyn / zu dem mahl fiel mir eyn: Ich solte auch Johannis Apocal: lesen / das thät ich auch / vnd bekam auch darin mancherley eynsfallende Gedancken.

Dieser Stern / der Gog vnd Magog / vnd Apocalipsis nöthigeten vnd zwangen mich in meinem Sinne also / daß ich nicht ruhen konte / vnd